



Ubuhlomisa izingane zethu
ngelikusasa.

Pre SS

Isihloko sesifundo: UJesu uhlanza iThempeli

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **UJesu uhlanza iThempeli**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi Sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	<p>Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS</p>
2.	<p>Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo:</p> <ul style="list-style-type: none"> • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). <p>Qaphela:</p> <p>2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile.</p> <p>2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho!</p> <p><i>Isikole sangeSonto ngokuvamile asidluli imizuzu engama-45.</i></p> <p>2.3: Lesisifundo silungele ibanga – Pre-SS.</p> <p>2.4: Uyacelwa uthinte uThisha wakho wePre-SS uma udinga noma yiluphi usizo noma uma udinga ezinye izinsizakufunda kulezi ezingenhla.</p>
3.	<p>Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.</p>

Fundisa lesisifundo sesikole sangeSonto ekhaya



Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se **Pre-SS** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi webandla lakho noma uThisha bazimisele ukukusiza.



Isifundo

Isihloko	UJesu uhlanza iThempeli
Izwi leBhayibheli	NgokukaJohane 2:13-25
Inhloso yesifundo	Izingane zifunda ukuthi iNdlu kaNkulunkulu yindawo ekhethekile, yindawo lapho uNkulunkulu azibonakalisa khona.

Yilena indaba:

- Ngaphambi nje kokuqala komkhosi wePhasika, uJesu waya eJerusalema.
- UJesu uvakashela ithempeli futhi ekuqaleni ujabule kakhulu ukuthi kunabantu abaningi ethempelini.
- Kwathi-ke, ngenkathi ehambahamba emagcekeni ethempeli, wabona ukuthi abantu babethenga futhi bethengiselana izimpahla futhi kukhona ngisho nezilwane ezazizungeza ethempelini. Abanye abantu babedlala amakhadi futhi babephikisana ngemali.
- Lokhu kwamdabukisa kakhulu uJesu. Abafundi baKhe babengakaze bambone uJesu ethukuthela kangaka!
- UJesu uxosha izilwane ethempelini futhi ngentukuthelo yaKhe, wagumbuqela amatafula etshela abafundi nabantu ukuthi ithempeli akuyona indawo eyimakethe (yokuhwebelana) - yindawo ekhethekile, yiNdlu kaNkulunkulu. Kufanele sihloniphe ithempeli likaNkulunkulu - liyindawo yokukhonza.
- Emva kokuba wonke umuntu esehambile ethempelini futhi uJesu enelisekile ukuthi abafundi kanye nabantu bayakuqonda lokho ayebafundise kona, uJesu wahamba wabuyela eBhethaniya.

Ingabe sisho ukuthini lesisifundo kithina namhlanje na?

- Indlu kaNkulunkulu yindawo ekhethekile - yindawo lapho uNkulunkulu ezibonakalisa khona.
- Sidinga ukukhombisa inhlonipho futhi siyithande neNdlu kaNkulunkulu.
- Indlu kaNkulunkulu yindawo lapho siya khona ukuyozwa izwi likaNkulunkulu nokuthi izono zethu zithethelelwe futhi sidle iSidlo seNkosi esiNgcwele.
- Sibona futhi bonke abangane bethu esontweni futhi sijabulela isikhathi esisichitha nothisha wethu weSonto-Sikole. Yindawo ekhethekile lapho singahlanganyela khona ebudlelaneni nabafowethu nodadewethu.

Eminye imibuzo esingayibuza:

1. Ingabe uyazi yini ukuthi singabonisa kanjani ukuthi siyayihlonipha indlu kaNkulunkulu na?

Impendulo:

- Ngokuhlala buthule silalele umPristi wethu, UmPhathi-bandla wethu noma umPhostoli wethu ngenkathi beshumayela
- Ngokuyohlanganyela eSidlweni seNkosi esiNgcwele buthule futhi sisonge izandla zethu ukwamukela iSidlo seNkosi esiNgcwele (isiThebe esiNgcwele)



- Ngokulalela iziNceku zethu kanye nothisha bethu besikole sangeSonto
- Ngokungashiyi izicubu noma amaphepha wamaswidi emabhentshini - esikhundleni salokho kufanele siwafake emigqonyeni kadodi.

2. Ingabe singamkhombisa kanjani uNkulunkulu ukuthi siyamhlonipha na?

Impendulo:

- Ngokukhuleka nsuku zonke hhayi kuphela lapho sifuna okuthile
- Ngokufunda kabanzi ngokuphila kukaJesu nangokufunda iBhayibheli

3. Ingabe singayibonisa kanjani inhlonipho ekhaya na?

Impendulo:

- Ngokulalela abazali bethu lapho bekhuluma
- Ngokugcina amakamelo ethu ehlanzekile
- Ngokubingelela abazali bethu njalo
- Ngokukhumbula njalo ukuba sithi: “Ngiyacela” futhi “Ngiyabonga”.
- Ngokuthanda abazali bethu nabafowethu nodadewethu nawo wonke umndeni wethu

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes


